

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

UJIO WA PILI

Yesu kwa hakika alizungumzia juu ya Ujio wa Pili (Math. 16 : 27). Bado, hakujawa na ufahamu wa uwazi kuhusu Ujio wa Pili. Tunahitaji kujua ni vipi, ni lini, na wapi Ujio wa Pili utajitokeza. Watu wengine wanaamini ya kuwa Ujio wa Pili utatokana na pale Yesu atakapouingia moyo wa mtu binafsi (Yoh. 14 :20) kupitia kushuka kwa Roho Mtakatifu (Maten. 8 :16,19). Hata hivyo huu si mtazamo wa kikanuni. Tangu kushuka kwa Roho Mtakatifu wakati wa pentekoste (Maten. 2 :4), waumini wengi wampata uzoefu wa uwepo wa Yesu ndani yao. Kama huu ndiyo ulikuwa Ujio wa Pili, basi itatupasa tuseme ya kuwa Ujio wa Pili tayari umekwisha tokea miaka elfu mbili iliopita. Hata hivyo tunajua ya kuwa Ujio wa Pili hauji kwa njia hii kwa sababu wakristu wameendelea kumsubiri Bwana wa Ujio wa Pili hata baada ya kushuka kwa Roho Mtakatifu siku ile ya pentekoste.

Kwa upande mwingine, watu wengine wanaamini ya kuwa Yesu atarudi kiroho. Ukweli mwingine unatuonyesha kuwa haitakuwa hivi. Tangu kufufuka kwa Yesu, kutokea kwa Yesu katika Roho kumewezekana kwa wakati wowote ule, na imetokea mara kwa mara. Bado, wakristu wanasubiri kwa hamu siku ya Ujio wa Pili katika Roho. Yesu mara kwa mara alikutana na mtume Yohana katika Roho, bado Yesu alimwambia hivi, ‘naam ; naja upesi.’ (Ufun. 22 :20)

1. Kristu atakuja tena kwa namna ipi ?

A. Mafundisho chini ya msingi wa Ujio wa Pili wa Eliya

Sasa ni jinsi gani Ujio wa Pili wa Kristu utatokea ? katika kufikiria hili, hebu kwanza tuangalie Ujio wa Pili wa Eliya. Ujio wa Pili wa Eliya ni mfano wa wazi ambao Mungu ametupa unaohusiana na jinsi Kristu atakavyokuja tena.

Kupitia kwa nabii Malaki, Mungu aliahidi kumtuma Eliya tena, kabla

ya kuja kwa Masihi (Mal. 4 :5). Hivyo waisrael wa wakati ule ambao walikuwa wakimsubiri Masihi kwa kweli walikuwa wakimsubiri Eliya wa Ujio wa Pili, kwa sababu alikuwa amtangulie Masihi. Kwa sababu Ujio wa Pili wa Eliya ulikuwa ndiyo uwe kurudi kwa Eliya aliyekuwa amepaa kwenda mbinguni, watu waliamini ya kuwa Eliya angeshuka toka mbinguni. Bado Yesu kwa uwazi alitamka ya kuwa Yohana Mbatizaji, aliyezaliwa Duniani, ndiye Eliya (Math. 11 :14,17 :13). Hata hivyo, kwamba Ujio wa Pili wa Eliya ulitokea kupitia kwa Yohana Mbatizaji haina maana kuwa Eliya, yeye mwenyewe alizaliwa tena kama Yohana Mbatizaji. Eliya alikuwa katika Dunia ya kiroho, akimsaidia Yohana Mbatizaji, ambaye alikuwa hapa Duniani, kwa kuwa Yohana alizaliwa akiwa na utume sawa na wa Eliya (Lk. 1 :17). Hivyo, pamoja na kwamba utume ulikuwa ni sawia, haiba yake ilikuwa ni tofauti (mtu mwingine) kupitia somo hili tulilojifunza kutokana na Ujio wa Pili wa Eliya, tunaweza kuelewa kwamba Ujio wa Pili inawezekana ukatokea kwa Bwana kuzaliwa hapa Duniani. Tunaweza pia kuelewa ya kuwa pamoja na kwamba wakati wa Ujio wa Pili, Bwana, kama Masihi, atakuwa na utume sawa na ule wa Yesu, yawezekana asiwe na muonekano kama wa Yesu (Yoh. 14 :16,17 ; 16 :12 ; Ufun. 19 :12 ; 2 :17).

B. Mafundisho chini ya msingi wa Ujio wa Kwanza

Katika Agano la Kale, tunapata utabiri wa aina mbili unaogongana unaohusu kuja kwa Masihi. Katika Daniel 7 :13 tunapata utabiri unaotabiri kuwa Bwana atakuja juu ya mawingu : ‘nikaona katika njozi za usiku, na tazama, mmoja aliye mfano wa mwanadamu akaja pamoja na mawingu ya mbingu.....’ hata hivyo nabii Mika alitabiri ya kuwa Masihi angezaliwa katika Bethlehem (Mika 5 :2). Ni upi kati ya tabiri hizi mbili zinazogongana ambao waisrael waliuamini ? kwa kuelewa chagizo la manabii hawa wawili Daniel na Mika kwa waisrael, na kwa kuelewa ya kuwa waisrael walikuwa na imani kubwa katika Mungu, tunaielewa ya kuwa walikuwa wakimsubiri Masihi aje toka mbinguni. Ilikuwa ni kwa sababu hii kwamba hata baada ya usulubisho wa Yesu, kundi la jumuiya isioukubali ukristu likatokea likisema Yesu asingewezekana awe ndiye Masihi kwa sababu alizaliwa katika mwili hapa Duniani. Hili linaweza kueleweka katika onyo la mtume Yohana ‘kwa maana wadanganyifu wengi wametokea Duniani, wasiokiri Yesu Kristu yuaja katika mwili. Huyu ndiye yule

mdanganyifu na mpinga Kristu. Jianganieni nafsi zenu msiyapoteze mliyoyatenda, bali mpokee thawabu timilifu. (2 Yoh. 7-8)

Kuna watu ambao wanasisitiza kwamba Daniel 7 :13 ni utabiri ambao utatokea katika Ujio wa Pili. Hata hivyo, kutoka aya zifuatazo, tunaweza kuona ya kuwa zama za kale ziishe kwa Ujio wa Yesu : ‘kwa maana manabii wote na torati walitabiri mpaka wakati wa Yohana.....’ (Math. 11 :13) na kwa maana Kristo ni mwisho wa sheria, ili kila aminiye ahesabiwe haki. (Warumi. 10 :4). Hali ilikuwa katika namna ambayo, hakuna hata mmoja aliyefikiria Ujio wa Pili wa Masihi mpaka pale Yesu mwenyewe, karibu na mwisho wa huduma yake ya kuhubiri, aliposema ya kuwa Bwana atakuja tena. Matokeo yake, hakuna mwisrael katika wakati wa Yesu angefikiria ya kuwa utabiri katika Daniel 7 :13 unahusu Ujio wa Pili. Wangeamini kuwa unamhusu masihi ajaye, na wangetenda kama kwamba tayari umekwisha timia. (kwa maneno mengine, wangemtazama Masihi awasili juu ya mawingu).

Basi kwa nini, katika kumtuma huyu mmoja Masihi, Yesu Mungu akatoa utabiri huu wa Masihi kuja katika mwili ? Yesu alisema ‘wala hakuna mtu aliyepaa mbinguni, ila yeye aliyeshuka kutoka mbinguni, yaani mwana wa Adam.’ (Yoh. 3 :13), akionyesha kwamba alishuka toka mbinguni. Bado, kama tujuavyo vyema, Yesu alizaliwa hapa Duniani kutoka kwa mamaye Maria. Kwa nini basi, alikuja toka mbinguni ?

Neno mbinguni limetumika mara kwa mara katika Biblia. Limetumika mara kwa mara kama fumbo la kuelezea ukuu wa thamani iliyomo, utukufu, au wema. Hivyo, tunaweza kutafsiri yale aliyoyasema Yesu kumaanisha nilizaliwa kama ninyi nyote, lakini niko tofauti sana katika msukumo na asili ya kuzaliwa kwangu ; nimezaliwa kwa njia ya Mungu. Kwa ufahamu huu wa neno ‘mbinguni’, utabiri wa kwamba Yesu anakuja juu ya mawingu hauna makosa. Hata hivyo, ni kosa kuutafsiri kama ulivyoandikwa.

Kwa njia hiyo hiyo, Yohana Mbatizaji, ambaye alizaliwa katika familia ya Zakaria kulingana na toleo maalum la Mungu, hakuzaliwa tu kutokana na desturi ya hapa Duniani, bali alikuwa na utume mkuu (Lk. 1 :15-17, 76). Bila kujali namna ya kuzaliwa kwake, Mungu ndiye mhusika moja kwa moja, chanzo, na kwa jinsi hii Yohana

alishuka hapa chini toka mbinguni, akimwakilisha Eliya, na alikuwa na utume kama wa Eliya.

Ujio wa Pili wa Masihi unatokea kupitia kuzaliwa kwake hapa Duniani. Kutokana na kile kilichoonyeshwa katika mfano wa Ujio wa Pili wa Eliya na Ujio wa Yesu, ambao wote ulikuwa ni kazi ya moja kwa moja ya Mungu, huwezi kujizuia bali utafikiria juu ya utabiri kwa ajili ya Ujio wa Pili.

Kwa kuchanganua, Agano Jipya sio tu lina utabiri usemao Kristu atakuja kama mhukumu kati ya utukufu juu ya wingu kutoka mbinguni, bali pia mwingine usemao atakuja tena kama alivyokuja mara ya kwanza, kinyume kabisa na aina ile ya utabiri mwingine wa yeye kuja juu ya mawingu.

Tunasoma katika Luka. 17 :24,25 ya kuwa Yesu, akitambua kile kitakachotokea wakati wa Ujio wa Pili, alisema, ‘hivi ndivyo mwana wa Adam atakavyokuwa katika siku zake. Lakini kwanza lazima ateseke kwa mambo mengi na akataliwe na kizazi hiki. Kama Bwana atakuja tena katikati ya nguvu na utukufu, na tarumbeta zikiita kutoka kwa Malaika Mkuu, nani atathubutu kumkataa na kumshutumu ?

Leo, wakristu wenye imani wengi na makanisa wanaangalia juu angani, wakilibiri Bwana aje juu ya mawingu, kusingekuwa na sababu ya yeye kushutumiwa. Hata hivyo, kama haji juu ya mwingu kama ilivyoandikwa, na badala yake akaja katika mwili, kama ilivyokuwa wakati wa Ujio wa Kwanza, basi inakuwa wazi kwa nini Yesu alisema angeteseka kwanza kabla ya kutambuliwa mwishoni (Luk. 17 :24,25).

Ufunuo 12 :5 anasema,naye akazaa mtoto mwanaume, yeye atakayewachunga mataifa yote kwa fimbo ya chuma, lakini mtoto wake akanyakuliwa hata kwa Mungu, na kwa kiti chake cha enzi. Mtu atakayeitawala Dunia kwa fimbo ya chuma ni Bwana ajaye. Katika aya hii, inasema ya kuwa atazaliwa kutoka kwa mwanamke. Wakati mafarisayo walipotaka kufahamu muda wa Ujio wa Pili, walimuuliza Yesu ni lini Ufalme wa Mungu utakuja, naye akawajibu, ‘.....Ufalme wa Mungu hauji kwa kuuchunguza.....’, (Lk. 17 :20). Kila mmoja anaweza kuangaza juu mbinguni, lakini Yesu alisema ya kuwa Ujio wa Ufalme wa Mungu, kwa maneno mengine, Ujio wa Pili hautakuwa wa kuonekana. Kwa nini iwe hivyo ? Ni kwa sababu

Masihi haji juu ya wingu kama ilivyoandikwa. Katika Lk. 18 :8, Yesu alisema nawaambia atawapatia haki upesi. Pamoja na hayo, mwana wa Adamu ajapo, ataipata imani Duniani ? ‘Yesu alikuwa anatabiri kuwa hataikuta imani Duniani katika Ujio wake wa Pili. Hii ina maana kwamba wakati atakapokuja, hakutakuwepo hata mmoja kabisa ambaye ataokolewa kwa imani yao timilifu. Kwa nini hili liwe hivi ?

Bila shaka, sio waumini wote Duniani wana imani kamilifu, lakini kuna watu Duniani kote ambao wanafuata njia ya imani ya kweli. Basi kwa nini Yesu, akatamka ya kuwa asingekuta imani ? zaidi ya hayo, ni nani ambaye atashindwa kumtambua Bwana ajaye juu ya wingu lionekanalo ? kwa kweli, hata wasioamini wangemtambua na kuwa na imani kwake. Je, watu watakosa imani, kwa kuwa kutakuwepo mtu wa kuwazuia kwa kweli sio hivyo. Matatizo siyo lazima yaathiri imani ya mtu. Tunatafsiri kusema kwa Yesu kwamba asingekuta imani Duniani kumaanisha kuwa atakuja kwa namna ile kama ya Ujio wa Kwanza.

Yesu alipokuja miaka elfu mbili iliyopita, kulikuwa na imani kubwa ya aina fulani, miongoni mwa watu. Wengine walisali mchana na usiku katika hekalu, na walishika amri za Mungu. Walijitahidi kushika amri na sheria zote ambazo Mungu aliwaamuru kuzizingatia. Walitoa sehemu ya kumi ya mapato yao kwa uaminifu, na walifunga. Katika hali hii, walikuwa na imani kubwa kwa Mungu, bado hapakuwepo imani ya kweli. Kwa nini hawakuwa na imani ambayo ingewawezesha kumwamini Yesu kama Masihi aliyetumwa na Mungu ?

Kutokana na mtazamo huu, Yesu hakuweza kukuta imani yeyote Duniani ! vilevile, leo kuna mamilioni ya wakristu wema wakimsubiri Bwana atokeze juu ya mawingu ; lakinikama atakuja kama alivyokuja mara ya kwanza, je, ataikuta imani itakayowawezesha wakristu kumtambua ? kwa kuisisitiza kwa mara nyingine tena, chini ya msingi vyanzo vya aya katika Biblia vilivyonukuliwa hapo juu na juu ya masomo tuliojifunza kutokana na kazi ya Mungu katika historia, Ujio wa Pili utatokea kama ulivyotokea mara ya kwanza, kwa Masihi kuzaliwa katika mwili hapa Duniani. Kama ilivyo ada, anakuja kama mwana wa Adam.

C. Mtazamo wa kikanuni.

Kulingana na ‘kanuni za uumbaji’, dhumuni la Mungu katika

kumuumba Adam na Hawa lilikuwa lihitimishwe kupitia kukamilisha kwao Baraka tatu hapa Duniani. Katika maneno mengine, walipaswa kujikamilisha wao wenyewe kama watu binafsi wenye uadilifu, wawe wazazi wa kweli, ambao ndiyo kiini cha familia adilifu, na kujenga Ufalme wa Mbinguni hapa Duniani. Halafu, kama wawakilishi wa Mungu, walikuwa wautawale uumbaji katika upendo. Hata hivyo, kwa sababu walianguka, hawakuweza kuwa wazazi wa kweli na wakaumba Dunia ya uovu.

Yesu ambaye alikuja kama Adam wa Pili (1 Wakor. 15 :45) ilikuwa aibadilishe Dunia hii, iwe Dunia adilifu ambayo ilikuwa imepangwa wakati wa uumbaji (Math. 4 :17). Kwa kuwa Baraka tatu za Mungu mpaka sasa hazijakamilishwa bado, hata baada ya toleo la wokovu kupitia usulubisho wa Yesu na ufufuo, Masihi, Adam wa tatu asiye na dhambi, lazima aje kukamilisha dhumuni la Mungu kwa ajili ya uumbaji.

Masihi lazima azaliwe juu ya nchi kama uthibitisho wa kiumbe mwenye mwili, kwa kuwa lazima awe mfano wa mtu wa uadilifu, mtu ambaye amekamilisha tabia yake, na kwa hivyo, ambaye amekamilisha Baraka ya kwanza. Anaweza tu kutekeleza jukumu hili katika mwili. Lazima pia ajenge familia adilifu ambayo Mungu anaitaka, na kwa jinsi hii aweze kuwa mzazi wa kweli, mmoja ambaye atakuwa ametimiza Baraka ya pili ya Mungu. Moyo wake wa uzazi utapandikiza moyo wa Mungu na upendo katika mioyo ya wote watakaomfuata na atawasaidia kujikamilisha mwenyewe kwa kuwapa uzaliwa wa pili na kwa kumuonyesha kila mmoja jinsi yeye mwenyewe anavyoweza kutekeleza dhumuni la kweli la maisha. Atakuwa mtu mkamilifu na atakuwa Bwana atawalae Dunia ya kiroho na Dunia ya umbo katika upendo mtimilifu akikamilisha baraka ya tatu ya Mungu. Watu watapandikizwa kwake (War. 11 :17) na kuwa kitu kimoja naye kwa kuamini na kumtumikia. Kwa jinsi hii, Bwana atawaongoza kuwa watu wawezao kudhibiti vitu kupitia upendo, wakitimiza baraka ya tatu ya Mungu. Kwa hiyo, lazima azaliwe katika mwili, hapa Duniani, kama wakati wa Ujio wa Kwanza.

Utume mkuu wa uyahudi haukuwa tu kumpokea Yesu bali pia kumfuata na kumsaidia akamilishe nia yake baada ya kuja. Vivyo hivyo, utume wa ukristu, katika zaida ya kujenga msingi wa upeo wa

Dunia nzima kwa ajili ya Ujio wa Pili, ni kumsaidia Bwana atimize kazi yake atakapokuja.

Ufalme wa Mbinguni hapa Duniani ambao Kristu anakuja kuujenga hautakuwa Ufalme wa Mbinguni katika mauzauza. Ufalme wa Mbinguni hauwezi kutimizwa kwa miujiza ya kimaumbile yasiyo ya kawaida bali tu kwa mtu kutimiza wajibu kutatua matatizo yoyote katika njia ya kweli, kulingana na mwongozo wa Mungu.

Wokovu hauwezi kutokea kwa wale wasioitikia kazi ya Mungu. Hata hivyo, ni matakwa ya Mungu kwamba watu wote waokolewe kwa sababu yeye ni Mungu wa haki na upendo. Kwa kuwa maadili ya Mungu kwa ajili ya uumbaji hayajitimizwa kwa pamoja kutimizwa kwa tabia ya mtu binafsi. Kwa hiyo, Kristu ambaye katika wakati wa Ujio wa Pili atakamilisha kwa utimilifu maadili ya Mungu, hatafungwa na dhehebu lolote lile la kikristu, bali atakuwa zaidi ya madhehebu yote. Atatenda kwa kujenga Dunia moja chini ya Mungu, kuvuka mipaka ya ukabila, utaifa na ubaguzi wa rangi.

D. Maana ya mawingu.

Kama Bwana atatokea hapa Duniani katika mwili, basi kuja juu ya mawingu ina maana gani ? ina maanisha nini juu ya mawingu ? mawingu ni maji katika hali ya mvuke. Bila kujali maji ni machafu kiasi gani, yanapobadilika na kuwa mvuke halafu wingu, yanakuwa yametakasika. (yamechujika)

Kulingana na aya katika Ufun. 17 :15, maji yanaashiria anguko au mtu mwenye dhambi. Halafu, mawingu yanathibitisha watu waliofufuka au k uzaliwa mara ya pili kama watakatifu miongoni mwa wenye dhambi. Maelezo kwamba kristu atakuja juu ya mawingu yanamaanisha kuwa atakuja tena miongoni mwa watakatifu ambao Mungu atawaandaa.

Basi, kwa nini Yesu alisema atakuja tena juu ya mawingu ? kwanza ya yote, ilikuwa ni kuwazuia wale wote wasioamini katika Kristu kuwadanganya watu. Mpaka wakati halisi wa ujio wake, ilikuwa bora kuwafanya watu waamini kuwa angekuja juu ya mawingu. Kama ingeelezwa wazi kwamba Kristu angetokea katika mwili Duniani, mtafaruku ambao ungesababishwa na madai ya wapinga kristu wengi ingekuwa vigumu kuuzuia. Hata hivyo, muda utakapowadia, Mungu kwa kweli atatuambia jinsi gani Masihi angekuja (Amosi. 3 :7).

Pili, ilikuwa ni kuwatia nguvu wanafunzi katika maisha yao ya kidini, ambayo yangukuwa ya mlolongo mgumu. Kwa kweli, Yesu alizungumzia mambo kadha wa kadha juu ya Ujio wa Pili ambayo hayaeleweki kikamilifu. Ufun. 22 :20 anasema, ‘naam naja upesi’. Math. 10 :23, Yesu alisema, ‘ kwa maana ni kweli nawaambia hamtaimaliza miji ya Israel, hata ajapo mwana wa Adam.’ Katika Math. 16 :28, alisema, ‘amin, nawaambieni, pana watu katika hawa wasimamao hapa, ambao hawataonja mauti kabisa, hata watakapomwona mwana wa Adamu akija katika Ufalme wake.’ Katika Yohana 21 :18-22, alizungumzia pia kama kwamba angekuja tena katika kile kipindi cha Yohana. Katika aya hizi zote Yesu alisisitiza ya kuwa Ujio wa Pili utatekelezwa upesi (karibu na wakati wake). Bado, haikutokea hivyo. Basi, kwa nini Yesu alisema ingetokea ? Yesu, alikuwa na sababu gani ya kusema vile ?

Yesu aliona kwa mbali shutuma toka kwa himaya ya Roma, hivyo ilimlazimu kuwaelimisha, kuwatia nguvu, na kuwapa matumaini wanafunzi wake katika njia ambayo ukristu ungeweza kusalimika katika kipindi chote cha shutuma za kuhuzunisha na haraka waandae msingi katika upeo wa Dunia nzima kwa ajili ya Ujio wa Pili.

Wakristu wa mwanzo waliweza kubaki na shauku na hamasa kwa sababu waliamini kuwa ujio wa Yesu mara ya pili ulikuwa w muhimu na kwamba angekuja kutoka Mbinguni juu ya mawingu katika nguvu na utukufu wa Mungu. Kwa sababu ya imani hii, walipata nguvu za kustahimili mateso na shutuma za himaya ya Roma na kwa jinsi hii waliweza kujenga kanisa la ukristu la awali.

II. Kristu atakuja tena lini ?

Basi Kristu atakuja tena lini ? katika Math. 24 :36, Yesu alisema, ‘walakini habari ya siku ile na saa ile hakuna aijuaye, hata Malaika walio Mbinguni, wala mwana, ila baba peke yake ; ikionyesha kuwa itakuwa kazi bure kung’ang’ania kujua juu ya wakati wa kurudi kwake.

Hata hivyo, aya hiyo hiyo katika Math. Inasema kuwa Baba anajua, na Amosi, 3 :7 anasema ‘hakika Bwana Mungu hatafanya neno lolote, bila kuwafunulia watumishi wake manabii siri yake’. Hivyo tunaweza kuelewa kuwa kupitia kwa manabii Mungu kwa kweli lazima atawafahamisha watu juu ya kuja tena Kristu mara ya pili. Mifano

mingi ya Mungu kubashiri yale atakayoyafanya yanaweza kufuatiliwa katika mlolongo wa ukombozi. Mungu alimuasa Nuhu juu ya hukumu ya gharika na Lutu juu ya kuiteketeza Sodom na Gomora ; na Mungu alifunua juu ya kuzaliwa kwake Masihi mara ya kwanza. Mungu amifunua juu ya kuzaliwa Yesu kwa familia ya Yohana Mbatizaji (Lk. 1 :41-45) ; kwa wachunga kondoo malishoni (Lk. 2 :8-12,15) ; kwa mamajusi kutoka mashariki (Math. 2 :1-12) ; kwa Simeoni (Lk. 2 :26-32) ; kwa Anna (Lk. 2 :38) ; kwa Yusuf (Math. 1 :20-22) ; na kwa wengine. Katika historia ya toleo la Mungu yote, kunaweza kukawa na wakati muhimu zaidi ya ule wa ujio wa Masihi kwa Mungu ? itawezekana vipi Mungu asiwafahamishe watu, wakati ambao mwana wa Mungu mwenyewe, ajapo Duniani kutimiza dhumuni lililopotea la uumbaji ?

Kwa upande mwingine, Yesu pia alisema atakuja kama mwizi (Ufun. 3 :3). Lakini basi, alisema pia hatakuja kama mwizi kwa wale watakaokuwa katika nuru (1Wathes. 5 :4 -6) na kwa wale watakaokuwa macho (1Wathes. 5 :4 –6, Ufun. 3 :3). Hivyo ni wazi kuwa wale waumini ambao siku zote huomba na ambao wako macho na wako katika nuru, Mungu atabashiri kuja kwa Bwana ili kwamba waweze kuandaa kwa ajili yake (Lk. 21 :34,35).

Kwa kuwa toleo la ukombozi la Mungu linahitimishwa kwa kupitia kwa Masihi, Masihi ni tunda la thamani mno la historia yote ya toleo la ukombozi la Mungu. Msingi ulioandaliwa kwa ajili ya Masihi huyu wa thamani, ulikuwa katika imani ya kiyahudi na waisrael, ambao ulianza katika familia ya Yakobo. Hata hivyo, kama ilivyoelezwa, huko nyuma, watu wa Israel hawakuwa na imani na Yesu, na kwa hivyo Mungu akandaa Israel ya pili yenye mchanganyiko wa watu wa aina zote wale wamwaminio Yesu.

Njia ya toleo la Mungu inayopatikana katika historia ya waisrael lazima pia ipatikane katika historia ya ukristu, kwa sababu Mungu ameuandaa ukristu kuwa Israel ya pili katika upeo wa Dunia nzima badala ya Israel ya kwanza, ambayo ilianza na Yakobo, na historia ya Israel ya pili , ukristu, iliyoanza wakati wa Yesu, lazima zote zifuate mchakato uleule kwa ajili ya kutimiza madhumuni ya maandalizi kwa ajili ya kumpokea Masihi Duniani.

Historia ya Israel na historia ya ukristu zinatofautiana katika makosa na matukio ya kihistoria na mkao wa kijiografia na asili ya utamaduni. Hata hivyo sehemu kuu ya historia ya toleo la Mungu la ukombozi ilipitishwa kutoka moja mpaka nyingine. Kwa kuwa matoleo haya yote yalikuwa yaandae msingi kwa ajili ya Masihi, madhumuni yaliyopelekea kuwepo kwa kila toleo ni mamoja na yaliyo sawa. Tayari tumelinganisha historia hizi mbili kutokana na mtazamo wa toleo la Mungu la ukombozi. Hebu tufikirie wakati wa ujio wa ukristu kuzingatia ulinganifu huo.

Historia ya Israel kutoka kwa Yakobo mpaka kwa Yesu iligawanyika katika sehemu kuu sita ya vipindi vidogo vidogo ; kipindi cha utumwa katika Misri ; kipindi cha majaji ; kipindi cha ufalme uliougana ; kipindi cha ufalme uliogawanyika wa kaskazini na kusini ; kipindi cha kutekwa kwa wayahudi na kurudi ; na kipindi cha maandalizi kwa ajili ya Masihi. Vipindi hivi sita vidogo vidogo kwa kweli vinajumuisha zama za toleo moja la miaka 1930, kipindi ambacho Mungu alitaka kuhitimisha toleo la ukombozi. Lakini pale ambapo Israel ya kwanza ilishindwa kutimiza wajibu wake kwa kumwamini Masihi, Mungu akawa hana njia nyingine ila kurefusha toleo la ukombozi.

Kipindi kutoka enzi za Yesu mpaka Ujio wa Pili pia kimeganyika katika sehemu kuu sita ya vipindi vidogo vidogo : kipindi cha shutuma katika himaya ya Roma ; kipindi cha makanisa ya kikristo chini ya mfumo wa wazee (kipindi cha wazee) ; kipindi cha ufalme wa kikristu ; kipindi cha falme zilizogawanyika za mashariki na magharibi ; kipindi cha kutekwa Upapa na kurudi ; na kipindi cha maandalizi kwa ajili ya ujio wa Pili. Vipindi hivi vidogo vidogo pia vilijumuisha kipindi cha jumla ya miaka 1930.

Mwaka 1930 sio wakati ambao tunapaswa kusubiria kwa matumaini na mtazamo – tayari umekwisha pita. Basi, kwa nini, sisi tulio hapa Duniani hatujashuhudia hukumu ya mwisho na utukufu wa Ujio wa Pili ? kama Ujio wa Pili unapaswa kutokea hewani, basi utukufu wa Bwana tayari ungekuwa umesambazwa kwa nuru kote Duniani. Hata hivyo kama ilivyokwisha elezwa awali, Bwana hatakuja juu ya mawingu kama tunavyofahamu, Ujio wa Pili utatokea kwa Masihi kuzaliwa katika mwili hapa Duniani. Basi, mwaka 1930 ndio mwaka hasa aliozaliwa Masihi ? mwaka hauwezi kuonyeshwa kwa kuwa

kulikuwa na tofauti ya miaka 10 kwa kipindi chote cha historia ya toleo. Kwa mfano, kipindi cha shutuma katika himaya ya Roma kilikuwa kiwe cha miaka mia nne, lakini kwa kweli, kilidumu kwa miaka iliofikia 392 tu baada ya kufa Kristu. Kipindi cha maandalizi kwa ajili ya Ujio wa Pili kilianza kwa mageuzi katika mwaka 1517 na kikakisha miaka mia nne baadae. Chini ya msingi huu, Ujio wa Pili ulipaswa kutokea mwaka 1917. Kwa jinsi hii kuzaliwa kwa Kristu kungetokea kati ya mwaka 1917 na 1930.

Yesu, alipokuja miaka elfu mbili iliyopita, hakutangaza Umasihi wake kwa haraka na hapo hapo kuanza kuhukumu. Kulikuwa na kipindi ambacho hakikuonekana wala kusikika lakini imara, cha maandalizi cha maisha yake binafsi, halafu na kipindi cha huduma ya mahubiri kwa watu, kuandaa msingi kwa ajili ya kuhitimisha madhumuni ya Masihi. Wakati wa Ujio wa Pili, Bwana itampasa lazima kupitia mlolongo wa aina hiyo hiyo ya maandalizi baada ya kuzaliwa kwake. Kwa kuelewa kile kilichotokea wakati wa toleo kwa ajili ya ukombozi, tunaweza kutambua ya kuwa wakati huu ni kipindi cha maandalizi kwa ajili ya kutokea Bwana.

Tunauita wakati wa Ujio wa Pili wa Kristu siku za mwisho. Tayari imekwisha elezwa katika maelezo ya ‘hitimisho la historia ya mtu (binadamu)’ ya kuwa siku za leo ni siku za mwisho. Vivyo hivyo, inaweza kuzungumziwa kuwa siku za leo ni wakati ambao Kristu anaweza kutokea.

III Kristu atakuja tena akitokea wapi ?

Basi, kama Kristu kwa mara ingine tena atazaliwa kama mtu katika mwili, lazima atakuwa anakuja akitokea mahali fulani pa pekee katika taifa pekee. Ni taifa lipi hilo ? miaka elfu mbili katika Yudea, Yesu alisema kuwa angekuja tena, lakini je atarudi tena miongoni mwa watu wa Israel ? katika Math. 21 :33 – 43 katika hadithi ya shamba la mizabibu, Yesu kwa uwazi alionyesha ya kuwa asingerudi tena katika nchi ya Israel. Katika hadithi hii, Mungu ndiye mmiliki wa shamba la mizabibu, shamba la mizabibu linawakilisha kazi ya Mungu kuhitimisha maadili kwa ajili ya uumbaji, wapangaji ni taifa teule la Israel, watumishi ni manabii, mtoto wa mwenye shamba ni Yesu, na taifa litakalozaa matunda inamaanisha taifa litakalompokea Bwana wakati wa Ujio wa Pili. Yesu alisema hatarudi tena kwa watu

waliomuua. Zaidi ya hayo, alsiema atachukua haki yao ya kuwa taifa teule na kutoa kwa taifa lingine na watu watakaokuwa tayari kuzaa matunda kwa ajili ya Ujio wa Pili.

Basi, tuichukulieje aya inayozungumzia juu ya ujio wa wana wa Israel katika Biblia Ufun. 7 :4 anasema, wakati wa Ujio wa Pili, watu laki 144,000 watatolewa kutoka makabila ya Israel na kupigwa muhuri hii ina maana gani ?

Jina Israel kwa mara ya kwanza alipokea Yakobo baada ya kumshinda Malaika katika bonde la Yakobo (Mwa. 32 :28) na lina maana ya ‘yeye yule aliyeshindana na Mungu.’ Kwa maneno mengine, ‘Israel ina maana ya watu wa Mungu walioshinda katika imani na haimaanishi kwa lazima kuwa ina maana ya wazawa wa ukoo wa Yakobo. Hili linatokana na maneno ya Yohana Mbatizaji katika Math. 3 :9.....wala msiwaze mioyoni mwenu kwamba, tunaye baba, ndiye Ibrahim ; kwa maana nawaambia ya kwamba Mungu aweza katika mawe haya kumwinulia Ibrahim watoto. Inatokana pia na maneno ya mtume Paulo aliposema katika Warumi. 9 :6 ‘maana hawawi wote waisrael walio wa uzao wa Israel.

Basi, ni nani watakuwa wateule wa ‘Israel’ baada ya kifo cha Yesu msalabani ? ni wakristu wenye imani kubwa waaminio katika Bwana. Warumi. 11 :11 anasema, ‘.....lakini kwa kosa lao wokovu umewafikilia mataifa, ili wao wenyewe watiwe wivu.’ Hii inaonyesha kuwa kitofu cha toleo la Mungu kwa ajili ya ukombozi limehamia mahali pengine mbali na waisrael.

Basi Mungu atashughulikia toleo lake kuu si miongoni mwa wazaliwa wa ukoo wa Ibrahim, bali miongoni mwa wakristu wenye imani kubwa ambao wamerithi imani ya Ibrahim. Lakini kwa uhakika kabisa Bwana atakuja toka nchi gani ?

Alipoulizwa na mwanafunzi wake ni wapi atakakofikia ajapo tena, Yesu alijibu kwa fumbo katika Lk. 17 :37, ‘ulipo mzoga, ndipo watakapokutanika tai’. Yesu hakuonyesha wazi ni nchi gani angefikia. Lakini Ufun. 7 :2 – 4 anasema Malaika atapanda kutoka maawio ya jua, katika maneno mengine, kutoka mashariki na atawapiga muhuri watu laki 144,000 elfu watumishi wa Mungu wateule katika paji la uso la kila mmoja wao. Basi ni nchi ipi yenye kuashiria hili ?

Taifa lile la mashariki ni Korea. Mkulima anapohamisha mti kwa kuupanda tena, kwa uangalifu huchimba shimo na kulimwagia maji kwa ajili ya matayarisho ya kuupanda mti. Mungu angeweze, anayetazamia tunda la historia ya mwanadamu, kumtuma Masihi bila matayarisho ? kwa matazamio ya msingi aliouandaa Mungu, hebu tufikirie zaidi wazo la kwamba Korea ni nchi ambayo itampokea Bwana.

Kwa yeyote, taifa ambalo Masihi atafikia lazima liwe mtendewa wa moyo wa Mungu. Chini ya msingi wa mtazamo huu, Korea ndiyo nchi ambayo Mungu ameandaa. Kutoka anguko la mwanaume wa kwanza na mwanamke wa kwanza mpaka hivi leo, Mungu ameishi katika kukata tamaa na amehisi kutokamilika. Mara kwa mara tumemsema Mungu kuwa mwenye utukufu wa hali ya juu kabisa, ambaye yuko mbali sana juu yetu. Lakini hii ni kwa sababu hatuujui moyo wa Mungu ; kwa sababu ya kuanguka Adam na Hawa, ambao walikuwa watoto pekee wa Mungu, Mungu amekuwa akisononeshwa kwa moyo wa mzazi, aliyepotelewa na watoto wake, na amekuwa akihangaika kupitia Dunia ya dhambi ya Jehanam, akiwatafuta, akipania kuwaokoa watoto wake waasi. Kwa hiyo, mtu binafsi, familia au taifa ambaye ama ambayo au ambalo, atapigana, itapigana au litapigana dhidi ya shetani, katika nafasi ya Mungu hawezi, haiwezi au haliwezi kukwepa njia ya machozi na mateso. Watoto wanyenyekevu na wenye imani, watawezaje kuishi katika raha, ambapo watashiriki maombolezo ya moyo wa mzazi wao ? kwa Masihi ndiye abebaye moyo wa huzuni wa Mungu, na ndiye atakayemuondolea Mungu sikitiko, hawezi kuja kwa watu ambao wameridhika kwa mali waliyo nayo. Kwa kuwa taifa linalopaswa kumpokea Masihi lazima liwe mtendewa wa moyo wa Mungu, ndiyo kwamba, kwa kuwa watu wake lazima wawe wana na mabinti ambao wana moyo ufananao na moyo wa Mungu. Taifa lile haliwezi kuepuka njia ya mateso.

Israel ya kwanza na ya pili, zote zililazimika kupitia njia ya mateso na maisha magumu. Kama taifa ambalo litampokea Masihi, Korea pia ililazimika kuenenda katika njia sawa na ile ya kwanza. Kwa jinsi hii, katika historia yake ya hivi karibuni, Korea imebidi kupitia mlolongo wa njia ya mateso mno. Hata wakati ikiendelea kupata mateso na huzuni, Korea imeendelea kwa utii kuendeleza utamaduni mwema wa

kumcha Mungu kwa unyenyekevu na uaminifu. Hata katika kilele cha kuwa na mamlaka yenye nguvu kitaifa, haijawahi hata siku moja kuichokoza au kuanza kulishambulia taifa lingine. Mkakati wa Mungu umekuwa kushinda ushindi baada ya kushambuliwa ; tofauti kabisa na mkakati wa mashambulizi ya shetani. Kudhibiti kwa wakorea nyanja za ukoo, lugha ya kipekee, na utamaduni wa umoja wa kitaifa, na werevu wa utamaduni pekee wao mbali na kuvamiwa mara kwa mara zaidi ya karibu miaka elfu tano ni kumbukumbu ambayo haiwezi kulinganishwa vizuri na historia yeyote Duniani. Hata katikati ya historia yake ya kusikitisha, taifa la Korea liliheshimu haki na amani na lilikuwa likielimishwa ili lipate kuwa mtendewa wa Mungu.

Pili, ni dhahiri kwamba Korea ni taifa lenye matunda ya dini nyingi. Wakorea wana mvuto wa nguvu katika mwelekeo wa maisha ya kidini ; wanamwabudu Mungu na kufuata maisha ya njia ya kiroho. Kwa jinsi hii, mengi ya mafundisho makuu ya kiroho na kijadi, kama vile Ubudha na ukonfusia, umeshamiri katika nchi hii, na ni kutokana na utamaduni huu wa kiroho kwamba utamaduni wa taifa la Korea uliweza kuzaa matunda. Katika kipindi cha karne chache za mwishoni, Ukristu uliwasili na kufaulu kufikia kilele cha juu kabisa katika Ukristu. Dini imeshabihiana vyema na maisha ya kila siku kwa furaha isio kifani. Taifa lifananalo na maelekezo hayo ni vigumu kupatikana popote Duniani.

Bwana haji kuwaokoa wakristu peke yao. Wakati wakristu ni taifa teule katika toleo la Mungu, watu wote wanapaswa kuwa watoto wa Mungu, na Mungu, mwenyewe, ameziunda na kuziongoza dini zote kuu kuelekea katika ukombozi wa watu kulingana na mwelekeo wa majimbo yao, katika kipindi maalum, na kulingana mazingira. Kwa hiyo Masihi, ambaye atahitimisha madhumuni kamili ya toleo la Mungu, lazima kwa wakati mmoja ahitimishe madhumuni ya dini zote nyingine. Katika mwanga huu, taifa litakalostahili kuandaliwa kumpokea Bwana litakuwa taifa ambalo lina matunda ya dini zote kubwa.

Tatu, taifa ambalo kwalo Bwana wetu, atafikia lazima liwe mstari wa mbele katika mapambano ya Mungu na shetani. Mungu alimwambia Adam na Hawa, ‘.....usile tunda.....kwa kuwa siku utakayokula utakufa’. Katika maneno haya, tunaweza kuelewa kwamba hatua

waliyofikia kuanguka ikawa ndiyo mstari wa kutenganisha kati ya mbingu na nchi, kati ya uzima na kifo, na kati ya mema na mabaya. Kwa hiyo, Bwana lazima afikie katika hatua ya aina hiyo hiyo, ambapo uzima na kifo na mema na mabaya kwa mara ingine tena vinapambana kila kimoja. Halafu, anapaswa kwenda mbele zaidi kuwaondolea kwa uhakika matatizo ya Duniani na kuhitimisha historia ya toleo la Mungu.

Toleo la Mungu kuirudisha kwa kuikomboa Dunia upande wake, iliyoanza na shetani liko chini ya msingi, na linaweza kufupishwa kimaelezo kama utenganisho wa Kaini na Abeli. Utenganisho wa Dunia ya aina ya Kaini na Abeli kabla ya kuja kwa Masihi umethibitika katika Ulimwengu wa kikomunisti na Ulimwengu wa kidemokrasia. Haya ni maendeleo mlalo ya toleo wima ambalo Mungu amekuwa akishughulikia katika historia yote. Kwa hiyo, Bwana atatokea wakati ambapo ukomunisti na demokrasia, nguvu mbili zitakapokuwa zikipambana kati yao, ni kwamba, katika hatua ya njia panda kati ya upendo wa Mungu na chuki ya shetani. Mstari huo wa mapambano ni makubaliano yanayofahamika kama mstari sambamba wa 38 katika penisula ya Korea. Mstari sambamba wa 38 Korea una maana hiyo katika toleo la Mungu kwa ajili ya ukombozi. Sio tu mstari wa mbele wa demokrasia na ukomunisti; pia ni mstari wa mbele wa Mungu na shetani.

Mungu anaposhughulika kuhitimisha nia yake, shetani hushughulika kupinga na kuzuia kazi ya Mungu. Kwa jinsi hii, mstari wa mbele wa Mungu unakuwa mstari wa mbele wa shetani. Katika jitihada zote za Mungu, shetani atapinga zaidi maandalizi ya taifa litakalompokea Masihi.

Kwa kuwa chembechembe kiini katika mchakato wa ukombozi ni dini, katika upeo wa Dunia nzima wa toleo la ukombozi, Mungu anashughulika kufanya maandalizi ya kumpokea Masihi kwa kuzingatia matunda ya dini za Duniani, na shetani hushughulika kuzivunja dini zote.

Katika kuiandaa Korea kwa ajili ya Masihi, Mungu alitafuta kukuza dini kote nchini Korea – shetani alitaka kuzipukutisha zote kabisa. Kwa jinsi hii, vita iliyozuka Korea kwa kuzingatia mstari sambamba wa 38, na matokeo ya kugawanyika kwa Korea, hayakuwa tu matokeo ya mgongano wa kiraia katika taifa kugombea mipaka ya

kutenganishwa. Yalikuwa ni mapambano kati ya kundi la ukomunisti na kundi la demokrasia na zaidi ya hayo, kati ya Mungu na shetani. Ukweli kwamba mataifa mengi (16) hayakujihusisha na ugomvi huo mara moja hata hivyo yalishiriki na kusaidia toleo kwa ajili ya ukombozi yana uthibitisho wa kiroho.

Nne, taifa ambalo Bwana atafikia lazima lijenge msingi wa kitaifa kwa ajili ya toleo la ukombozi. Ili Korea liwe taifa litakalompokea Masihi, lilipaswa kujenga msingi wa kitaifa wa kujitenga na shetani, kama vile ilivyokuwa kwa waisrael na wakristu wa awali – walivyofanya. Waisrael walipaswa kutekeleza sharti la kujitenga na shetani kwa mateso ya muda wa miaka mia nne katika Misri, ambayo iluwakilisha Ulimwengu wa kishetani. Israel ya pili ilitimiza sharti la kujitenga na shetani kwa kuvumilia shutuma kwa takriban karne nne chini ya himaya ya Roma, ambayo pia iliwakilisha Dunia ya kishetani. Kwa hiyo, wakati wa Ujio wa Pili, ili kujitenga na shetani, Korea pia ililazimika kuvumilia mateso mikononi mwa taifa ambalo liko upande wa shetani. Katika hoja hii, taifa lililokuwa upande wa shetani ni Japan, na kwa miaka arobaini lilileta mateso yasiofikirika juu ya Korea. Kwa kisingizio cha makubaliano ya EULSA PROTECTION TREATY, Japan kwa kulazimisha iliidhulumu Korea haki zake za kidiplomasia na utaifa wao kutoka mwaka 1905 mpaka 1945, Japan iliposhindwa katika vita vya pili vya Dunia.

Katika kipindi hiki, wakorea walinyimwa uhuru wao kabisa na Japan, na idadi isiyo hesabika walitiwa gereza na kuchinjwa na kupata mateso ya aina mbalimbali makali mno. Kuanzia katika mwaka 1910, Japan ilipotwaa Korea, shutuma za ukristu, ambazo ndizo zilikuwa msingi wa jumuiya ya uhuru wa Korea, hazikuwa na mfano kwa ukatili wake. Ukiwa chini ya toleo la Mungu ukristu ulikuwa ukifurahia uhuru wake kote Ulimwenguni, taifa la Korea, na wakristu wake wakiwa mstari wa mbele, waliteseka mno, na kwa jinsi hii walilipa malipizi ya kitaifa yaliowapa sifa ya kuwa taifa litakalompokea Masihi.

Tano, taifa hili lazima liwe na historia ya utabiri husika. Mungu atakapomtuma mwanaye mpendwa, atawezaje kufanya hivyo kimya kimya ? kwa hakika atawafunulia wale wote Duniani ambao wamejiandaa kiroho ; hakika atawapa habari njema na atawafanya wajiandae kumpokea Masihi. Kama vile waisrael walivyotambua

kupitia kwa manabii ya kuwa Masihi yujua kama mfalme na kuwaokoa, watu wa Korea wamekuwa wakimsubiri mfalme mwenye haki. Kwa muda wa miaka mia tano, Korea pia imekuwa na matazamo ya nguvu ya kimsihi kama matokeo ya Chung – Gam – Nok, ambacho ni kitabu cha utabiri. Ni tabia ya kawaida tu kwa watu wa Korea kuwa na mawazo haya ya kipekee ya kumtazamia Masihi hata kabla ya kupokea mafao ya nyakati katika toleo la wokovu la Mungu kupitia kwa Yesu. Wengi walio na kipaji cha roho miongoni mwa watumishi wa Mungu na watu wa kawaida wamepata ufunuo wa kipekee unaohusu Ujio wa Pili wa Bwana katika nchi ya Korea ; na wengine wengi wenye hisia nzito za kidini wamepata ufunuo huo wa kwamba Korea itakuwa kituo cha wokovu Duniani.

Kukamilika kwa toleo la ukombozi la Mungu kumelenga kimsingi katika kumkomboa mtu na kwa upana zaidi kumelenga katika kuyakomboa mazingira ya Ufalme wa Mbinguni. Mungu ameshughulika ndani ya dini ili kumkomboa mtu ; Mungu ameuendeleza ustaarabu ili kuyakomboa mazingira ya Ufalme wa Mbinguni. Ameshughulikia kuwepo kwa utamaduni wenye maadili halisi na ustaarabu kwa ajili ya Ujio wa Pili. Ujio wa Pili utaleta muungano kati ya dini na sayansi, kati ya mambo ya kiroho na mambo ya ustaarabu katika maumbile, na kati ya mashariki na magharibi. Yote yataungana kwa furaha, yakizaa utamaduni mpya wa U – mungu. Peninsula ya Korea ilikuwa ni sehemu iliyojificha ya mashariki ya mbali kwa muda mrefu ; hata hivyo, utamaduni wa magharibi ukaja mashariki na mwisho ukafika Korea.

Mungu amewafundisha wakorea kwa muda wa miaka elfu tano kuwa na imani nzito na upendo, na katika msingi huo ukristu ukapokelewa. Mungu alipotuma ukristu kwa watu wa Korea, alifanya maandalizi yake ya mwisho kwa ajili yao ili waweze kumpokea Bwana wa Ujio wa Pili, na akaifanya Korea kuwa mwakilishi wa ukristu Duniani. Pamoja na kwamba Korea ni taifa dogo, imejikusisha mara kwa mara kwa uthabiti katika historia ya kisasa, kama kwamba yenyewe ndiyo kiini cha mwenendo kiongozi wa siasa ya kimataifa.

Zama za Yesu na zama za sasa kwa mtazamo wa utambuzi wa nyakati .

Zama za Yesu na wakati wa Ujio wa Pili ni vipindi vya toleo la utambuzi wa nyakati. Hivyo, toleo la Ujio wa Pili la Mungu, ambalo lipo chini ya ukristu, linafanana na lile la nyakati za Yesu.

Kwanza, hebu tuziangalie hizo nyakati mbili kwa mtazamo wa taifa teule (kiongozi) kwa ajili ya toleo. Mpango wa Mungu ulikuwa kupanua toleo lake kutoka kwa Yesu mpaka kufikia taifa la Israel, kutoka Israel mpaka Roma, na kutoka Roma kufikia kote Ulimwenguni.

Kwa kutambua kuwa dini kiongozi wakati wa Ujio wa Pili ni ukristu, na ya kuwa Israel ni Korea, basi taifa gani litakuwa katika nafasi ya Roma ? Roma ya leo ni taifa ambalo Mungu ameliandaa kuwa taifa kiongozi Duniani, chini ya ukristu. Kwa zaidi ya miaka mia mbili, Amerika imeandaliwa na Mungu kukamilisha madhumuni ya Ujio wa Pili. Vilevile, uhusiano kati ya Korea na Amerika katika nyakati za zetu ni sawa na uhusiano kati ya Roma na Israel nyakati za Yesu.

Pili, hebu tulinganishe ukristu wa leo na uyahudi wa nyakati za Yesu. Wakati wa Yesu, uyahudi katika Israel ulishirikishwa kwenye mamlaka ya makuhani na kwenye miiko ya Hekalu ; maisha yao ya kiroho yalirubuniwa. Viongozi wa dini ya kiyahudi walisahau utamaduni wa unyenyekevu ambao ulipita toka kwa Ibrahim mpaka kwa yakobo na Musa na manabii. Badala yake, uhusiano wao na Mungu ukawa wa kawaida tu, na kama matokeo ya hilo, Yesu aliwakosoa juu ya tabia yao ya kuwa na imani bila matendo mara nyingi (Math. 23 :1-39).

Leo, ukristu lazima utubu ya kwamba umepoteza lengo na sasa imekuwa ni mazoea tu. Tunapofikiria shauku na imani waliyokuwa nayo wakristu wa kanisa la awali, tunasema ya kuwa kanisa la leo limekuwa la mazoea zaidi kuliko na limeacha kwa ukubwa mno madhumuni ya awali ya imani. Watu wengi hujifikiria ya kuwa ni wakristu, lakini kwa kweli wanaishi maisha ambayo yako mbali na mafundisho ya Yesu.

Kama vile Yesu alivyomwaga nguvu zake zote kufanya mageuzi katika uyahudi uliorubuniwa katika nyakati zake, katika nyakati za Ujio wa Pili, atafanya mageuzi ya kimsingi katika ukristu pia ili kufanya kanisa la kweli linalomuabudu Mungu na atawatia nguvu wakristu pia kuwa watu watakaotekeleza matakwa ya Mungu na mafundisho ya Yesu.

Wakati wa Yesu, uyahudi haukuitambua thamani ya kweli ya Yesu ; viongozi wa kiyahudi waliyapa mgongo matakwa ya Mungu na mageuzi ambayo Yesu alikuwa akifundisha na wakamshutumu. Vivyo hivyo, nyakati za Ujio wa Pili, mafundisho mapya na shughuli za kimageuzi za Kristu zitapingwa na waumini ambao watakataa kufanya juhudi ya mageuzi ya ukristu, na kwa kanisa ambalo limefunganishwa kwenye utamaduni wa mamlaka yake na miiko.

Wakati wa Yesu, maneno ya Masihi hayakupokelewa na viongozi wa kiyahudi. Bali, yalipokelewa na wayahudi wa daraja la chini na mataifa waliokuwa na kiu ya maisha ya kiroho, au waliosumbuliwa na kujishuku juu ya uovu wao. Hivyo hivyo, wakati wa Ujio wa Pili, watu wa chini, ambao wanajaribu kwa bidii kuishi kwa kuzingatia neno la Mungu, au hata wasio wakristu, wanaweza kuwa wa kwanza kuyapokea mafundisho ya Kristu, kuliko viongozi wa kikritsu. Hii ndiyo sababu Yesu, kwa huzuni, alisema ya kuwa wale watakaofurahia tafrija ya ndoa ambayo ataiandaa wanaweza wakawa sio waalikwa, bali wale walioitwa ghafla kutoka mitaani (Math. 22 :8 – 10).

Watu wa nyakati za Yesu walizaliwa kuishi maisha ya uthibitisho wa toleo, kwa kuwa wangepaswa kumtumikia Masihi na kumsaidia kukamilisha matakwa yake. Hawakuwa watu binafsi wa kawaida tu, bali walikuwa na majukumu ya kihistoria ya kuishi katika kipindi muhimu katika historia ya toleo. Vivyo hivyo, watu wote leo, na hasa wakristu, wana jukumu la kumtumikia Bwana na kuanzisha Dunia ambayo itatambua maadili kwa ajili ya uumbaji. Tunaishi katika hatua ambayo katika nyakati haifanani na yoyote tangu mwanzo wa historia.

Wakati wa Ujio wa Pili, Kristu atatangaza matakwa ya Mungu, ambayo lazima yakamilishwe, Duniani, na atawaelimisha watu kuyatekeleza. Watu wa kweli wa imani wanapaswa kumtafuta na kumtumikia ; na kufuata matakwa ya Mungu, ambayo yatafunuliwa kupitia kwake. Katika Math. 2 :3 Biblia inasema ya kuwa baada ya kusikia habari za kuzaliwa kwa Masihi, Yerusalem yote ilifadhaika. Hata hivyo, kulikuwepo yeyote aliyemjali Yesu akiwa mtoto, au mbele za uuma akamuunga mkono baada ya kuanza kazi ya utume wake ?

Hebu tusikilize kwa unyenyekevu sauti itokayo ndani ya akili yetu asilia na tutafute kutangazwa kwa Masihi. Hebu tutulize akili yetu na tutege masikio kwenye habari za kutupa matumaini ambazo zitatangaza zama mpya.